

1PE -
1 Pedro

Ti xroon saoxín tsíkjin Pedro

1

Pedro ikjin xroon chr'éhen ti sin tinkáchónki Ìnchéni tjejó ókjé

¹ Janhan Pedro, mé kjueyá Jesucristo kixin sít'ahá ch'an ixrā, mé ikjian ti xroon i, chr'ahánra jahara satsikjira ókjé chjasin, tjejora Ponto, Galacia, Capadocia, Asia la ko Bitinia. ² It'éni Díos tsíkjeyá ti jahara ndesi ósé ts'ónara chjasén ch'an kixin xikaha tsíkjenkayáxin ch'an. Kjuachaxién Nchakuen Díos kuitekáonra ch'an la ko kótjuáxinra ti ijnié Jesucristo.

Díos sincheñao ti jahara kixin kjuaxróxin ts'ejora.

Ti kjuachón tjejóchónheni

³ Chrókjuikosáyeheni Díos, It'é Ìnchéni Jesucristo kixin kuikonóehē ch'an ti jeheni kixin ts'ónani chojni nixin kixin xechón Ìnchéni. Mé xikaha tjejóchónheni kixin tsokjan ch'an, ⁴ la ko ts'ayéhēni ti nkehe jína tsjajon Díos, chóna ch'an nkaya nkajní, mé tíha la ijnko nkehe xitjahya ts'itjáña, xitjahya tsokjita la ko xitjahya tsoxámá. ⁵ Jahara tinkachónkira Díos, méxrā jehe ch'an t'ayakuenxín ch'an ti jahara ti kjuachaxin kuènte ch'an, kixin ndá jína tsaára, éxi tsíkjenkayáxin Díos tsohen ti ñao tsjixixín.

⁶ Méxrā imá chrókócháhara, kjónté ichrén nkehe náxrjónhña chrók'uatsínkara ijie. ⁷ Ti tinkachónkira Ìnchéni la éxi ti oro ticháxin ts'atsínkaxín xrohi kixin tsonoxín á chaxín oro jína. Kjánchó antsí sínkí ti tinkachónkira Ìnchéni ke ti oro, Méxrā ticháxin ts'atsínkaxínra ichrén nkehe náxrjónhña kixin tsondáchro Díos kixin jína kjuáchara, ndá ts'ayéhéra kjuachaxin la ko kjuasáya ti ñao itsi Ìnchéni Jesucristo.

⁸ Jahara tjejhéra Ìnchéni Jesucristo kjónté naxā k'uíkonhñara

ch'an. Ijie la tinkachónkira ch'an kjónté t'ikonhñara ch'an, la xikaha chontara ijnko kjuachéhe imá ijie, la kohya nkehe sincheyóexini kixin antsí náxrjón tíha. ⁹ Méxra cháhara kixin k'uitjára nkexrín tsaáxinra, mé xikaha tinkachónkira ch'an.

¹⁰ Ti sin profeta k'uejó ósé la kjueyá sin antsí chrókónohe sin kuènte ti kjuachón í, la kuéchrónka sin nkexrín ti kjuachaxin kjuajon Díos chrók'uáyéhe sin kixin imá tjehe ch'an ti jehe sin.

¹¹ Ti naxa kuihya Cristo, la Nchakuen ch'an kjuínchenohe ti sin kuéchrónka itén Díos ósé kixin tsjasóte ch'an, ndá chr'éxin ts'áyéhe ch'an ti kjuachaxin ijie. Andá ti sin kuéchrónka tíhi mé tjinkaon sin chrókónohe sin nkexro tíha la ko nkesá chrókóhen kaín tíhi éxi chrónka ti Nchakuen Díos. ¹² Kjánchó Díos kjuínchenohe ti jehe sin kixin ti nkehe chrónka sin, la jehya chróxiteyá ti ñao k'uejó sin. Nahi. Hasta ti tjejóni ijie mé xiteyá tíha. Ti nkehe chrónka sin la mé ti itan tsaáxini chrónkaxín ti sin kjuakohara, kixin ti kjuachaxin kuènte Nchakuen Díos kuixin nkajní kjuinkitsa ti jehe sin. Kjaxin ti sin ángel tjinkaon sin chrók'uíkon sin tíha.

Díos k'uéyehé ti jeheni kixin tjóá chrók'uejóni

¹³ Méxra chrókjuenkayáxinra jína chrókjuich'era ixra la ko chrók'uejora nkojína. Kaín asánra chrók'uejochóhénra ti kjuachón sintakitonhanra Díos ti ó tsokjan Inchéni Jesucristo. ¹⁴ Exi ti ixjan titekaon, mé xikaha chrókuitekáonra Díos.

Chrókjuenkayáxinñara ti nkehe nduáhya éxi kuékjenkayáxinra ósé ti naxa kuéchonhñara Díos. ¹⁵ Ícha jína, tjóá chrók'uejora kixin ti Díos k'uéyahara, la tjóá ch'an. ¹⁶ Kixin ndáchro xroon itén Díos: “Jahara chrók'uejora tjóá kixin janhan la ijnko nkexro tjóá.”

¹⁷ Ti ndáchrora kixin It'ára mé Díos, la chróxraxinkáonra kixin nkokón sinchekitoexín ch'an ijiee kaín chojni. Méxra jína chrókjuíkosáyehéra ch'an ti naxa tjejochonra ntihi chjasintajni.

¹⁸ Díos mé kjuínchekaána kixin chrók'uejohyara éxi kuék'ejó ti sin tsík'axrjeníxinra kuékienxínhña sin. Jahara ó nohara jína kixin ti nkehe k'uínáxinra la jehya nkehe chóna tsjeje éxi ti oro o plata.

¹⁹ Nahi. Ti ijnie Inchéni Jesucristo imá tjehe mé k'uínáxinra. Jehe

ch'an mé ik'uen ch'an la k'uáyéhe Díos ti jehe ch'an éxi ijnko kolélo ninkehó ijie chóntahya.²⁰ Díos xráxín tsíkjeyá Cristo ti naxa k'ónahña chjasintajni, kjánchó chr'éxín ndá kónoxín ch'an kixin jína chrók'uejoxinra.²¹ Cristo mé k'uenyákoḡnra ndá xikaha kuitekáonra Díos, ti nkexro kjuínchexechón Cristo la ko kjuikosáyehe ch'an. Mé xikaha jahara tinkachónkira Díos la ko tjejochonhénra sintakaára ch'an.

²² Andá ijie ó kuitekáonra ti itan chaxín ndoá, la tíha mé kótjuáxinra kixin jína tsojtuehéra kíchuára. Méxra antsí chrótjuehéra kíchuára kaín asánra.²³ Méxra ijie la jahara kokjíhi nixiénra. Jehya éxi ti k'uaxrjeníxinra it'ára ntihi chjasintajni. La nahi. Kókjíaxínra ti itén Díos itjen nkochrín.²⁴ Kixin xroon itén Díos ndáchro:

Kaín chojni la éxi ti kayoa,

ti kjuachaxin chóna sin la éxi ti itsjo t'óna ti kayoa.

Ti ika la tsoxámá andá ti itsjo la ts'anótjen,²⁵ kjánchó ti itén Ìnchéni la tsjak'e nkochrín.

Ti itan í, mé ti itan tsaaxini tjejótinhínra ijie.

2

¹ Méxra tjtóhéra kaín ti nkehe jínahña, la ko kaín kjuach'ia, la ko ti nkehe nduáhya tjenkayáxinra, ti kjuachjinoxíhin, la ko ti ch'énara kjuach'ia.² Chrók'uejora éxi ijnko ixjan nandá tsíkokjíhi, tjinkaon chrók'ui itsjen ó, mé xikaha chrókóxakohanra chrókuihínra ti itén Díos, la tíha chrók'uánkíxin ti kjuaxrexinkaon kuéntara la chrókuaára,³ ti chaxín kjuankíxin k'uitjára kixin Ìnchéni la jína.

Cristo mé ti ixro tjechón

⁴ Méxra chrókóchjinehera Ìnchéni, kixin jehe ch'an mé ti ixro tjechón. Ti chojni la kóxrjienhña sin ti ixro a; andá Díos la kjueyá ti ixro kixin imá tjete sínkí.⁵ Mé xikaha Díos kjuich'éna ti jahara éxi ixro tjechón, mé ts'ónara ijnko nínko kuènte ch'an. La jahara ti nchát'á tsíkjinchetjóá Díos kjuachaxién Ìnchéni Jesucristo, chróchjehéra ch'an kjuasáya kaín asánra, kixin xikaha tóxrjihin ch'an.⁶ Méxra ti xroon itén Díos ndáchro:

Janhan tsjaké ti chjasin Jerusalén ijnko ixrᵒ kjuéyá janhan imá tjetōan, la ko tjetē sínkí
la ti nkexro tsitekaon ti jehe ch'an mé tsᵒsuèhya. ⁷ Andá ti jahara titekáonra Ìnchéni, la jehe ch'an mé ti ixrᵒ imá tjetē sínkí. Andá ti sin kuitekakönhña, la óxiteyá éxi ndáchro xroon itén Díos:

Ti ixrᵒ kóxrjénhña ti sin ch'éna tjat'ᵒ,
mé k'óna ti ixrᵒ imá tjetōan.

⁸ La kjaxin xiteyá ti nkehe ndáchro xroon itén Díos:

Ti ixrᵒ mé tsóténkixin chojni la ko ti ixrᵒ tsjitsinkaxín sin.
Jehe sin tóténkixín sin ti ixrᵒ a kixin titekakönhña sin ti itén Díos,
kixin tsíkixién sin tsjasóte sin.

Ti sin tinkáchónki Díos

⁹ Andá jahara la Díos kjuéyá ti jahara la k'ónara nchät'á sĭch'ehé ixrᵒ ti Rey, la k'ónara ijnko chjasin tjóá la ko chojni kuènte Díos kixin tsochronkaxinra ti ixrᵒ náxrjón kjuích'e ch'an. Díos kjuéyá ti jahara kixin ts'axrjéxinra ti sítie, ndá ts'ixénhénra ti t'inkaséña náxrjón. ¹⁰ Ti ósé la jahara naxᵒ jehya ijnko chjasin, andá ijie la ó k'ónara ti chjasin kuènte Díos. Ósé la ninkexró kuékĭkonóehña ti jahara, andá ijie Díos tĭkonóehē ch'an ti jahara.

Chrók'uejᵒ ch'eheni ixrᵒ Díos

¹¹ Méxrᵒ jahara, kĭchoni, xrjanóahara kixin chrók'uejora éxi chojni tsíkĭjixín ĩjnko chjasin. Chrókjuájonhñara kjuachaxin chrókóxrjĭhanra ti nkehe síin chjasintajni kixin tíha mé ti nkehe tjanjonko asánra. ¹² Jina chrókjuákoxinra ti síin ti sin chónhña Díos. Ndá jehe sin, kjónté t'ántaxínhanra sin éxi chojni jínahña chóna ijie, la ts'ikon sin kixin jína ti ixrᵒ ich'era, ndá tsochjéhe sin Díos kjuasáya ti ó tsjixraká ti ñᵒo tsjanchia ch'an nkehe ixrᵒ kjuích'e kaín chojni chjasintajni.

¹³ Jahara tinkachónkĭra Díos, chrókjuĭnchexiteyéhéra kaín ti sin t'etᵒan nkojnko chjasin, la ko ti ch'in t'etᵒan ti nación, ¹⁴ la ko ti gobierno, kixin Díos mé kjuéyá ti jehe sin kixin sinchekjasóte sin ti chojni tjasin ijie la ko tsjikosáyehe sin ti nkexro nchexiteyá ti

nkehe jína. ¹⁵ Kixin Díos tjinkaon kixin jína chrókjuákoxinra, ndá xikaha ti chojni noehña la ko ti sin lontj mé tsotání sin.

¹⁶ Chrók'uejora éxi chojni chóna kjuachaxin, kjánchó jehya ti kjuachaxin chontara la jehya kixin chrókjuásixínra ijie. Nahi. Icha jína chrókjuákoxinra kixin ch'ehéra ixra Díos. ¹⁷ Chróchontehera kjuasáya kaín chojni. La chrótjuéhéra ti sin kichoni, la ko chróchontehera Díos kjuasáya, la ko chrókjuíkosáyehéra ti chojni t'etqan.

Chrókuitekaon ti sin ch'exón ixra

¹⁸ Jahara chojni ch'exón ixra, chrókuitekákohénra ti lamoara la ko chróchontehera sin kjuasáya, kjónté á chojni jína la o chojni jjehe. ¹⁹ Tíha mé ijnko nkehe jína chrókjuákoxinra, kjónté nduáhya chrókjuasótiáxinra, kixin xikaha tjákoxinra kixin chaxín nchexiteyéhéra Díos. ²⁰ Andá jahara, ti ichrén nkehe jínahña tjejóch'era, ndá sinchekjasóte sin ti jahara la, ¿xá nkehe chrókjuachará kjónte chrókonínkakohñarará? Andá ti chrókjuasótiáxinra ti nkehe jína tjejóch'era, la chrókjuáchara chrókóninkákonhñara, la tíha mé tóxrjéhín Díos. ²¹ Mé xikaha k'ueyáhara Díos kixin Cristo kjuasótexín ti ijjára. Tíha mé kjuákoxin ch'an kixin xikaha jína chrókjuákoxinra. ²² Cristo la ninkehó ijie kjuasinhña ch'an la ko kjuích'iyehya ch'an ninkexró. ²³ Ti ó k'uántaxíhín sin ch'an la ninkehó kjuátéhya ch'an; ti ó kjuínchekjasóte sin ch'an la kjuanchahya ch'an kixin chrókjuasóte sin. Nahi. Jehe ch'an ó nohe ch'an kixin Díos mé ndoá sinchekitqexín ijjeé ti sin a. ²⁴ Cristo mé kuamá ti ijjeéni kixin ti cuerpoé ch'an kjuák'enkáni ntacruz kixin í tsochóndahyani ijie, andá ijie la chrók'uejóni nkojína kixin Cristo kjuasótexín ti ijjeéni, chrít'o ntqé ch'an kixin chrókuitqexíni jína. ²⁵ Ósé la jahara kuék'ájira éxi kolélo tsíkjachroe. Andá ijie la ó ikjanra tinkachónkira Cristo, ti nkexro ts'ayakonhen ti asánra.

3

Nkexrín chrók'uejó ti sin tsíkótehe

¹ Kjaxin jahara chojnichjin ó tsíkótehe, chrókuitekákohénra xàra kixin ti nkojín sin naxa titekakohña sin Díos la chrókuitekaon sin kixin jína tjákoxinra la ticháxinhña tsochenkara nkexrín chrókuitekaon sin, ² kixin ó ts'ikon sin kixin jína tjejora la ko chontehera sin kjuasáya. ³ Máhña chrókóxakohanra ti nkehe náxrjón tjásimá asánra la chrókjuinchenkexinra la ko jehya ihnke chrókjuentoára ti ikjára chróchóna nkehe náxrjón la ko ti nkehe tsík'ónaxín oro ko iká imá tje. ⁴ Nahi. Chrókjuinchejína asánra, kixin ti nkehe chaxín náxrjón ts'itjáñahña mé ti asén chojni tóninkakohña. Tíha mé imá sínkí nkayakon Díos. ⁵ Ti ósé mé xikaha kuékjich'e ti chojnichjin jína. Jehe sin mé kuinkáchónki sin Díos la ko kjuínchexiteyéhe sin ti xii sin. ⁶ Mé xikaha kjuích'e ti tjan Sara, kjuínchexiteyéhe tjan ch'in Abraham, la ndáchro tjan kixin ìché tjan ti ch'in Abraham. Andá jahara chojnichjin, ti tjenkayáxinra ti nkehe jína la ko ninkehó kjuachrakon chróchontahyara mé ts'ónara éxi xjeen ti tjan Sara. ⁷ Kjaxin jahara chojni ndoa tsíkótehe, xraxinkáonra ti ichjiánra la chontehera tjan kjuasáya, chrókjuínkìtsara tjan kixin kánhño fuerte tjan la ó nohara kixin Díos mé tsjajon ti kjuachón nkochrín. Ti xikaha chrókuitekáonra la kohya nkehe ts'inkakohen ti ó tsoníxjehéra Díos.

Ti sin tjasótexín ti ixra jína kjuích'e sin

⁸ Méxra, nkokoa chrók'uejora chrókjuenkayáxinra jína, la chrókjuikonóhéra kíchuára la ko chrótjuéhéra sin. Nkojína chrónixjehéra kíchuára la chrókjuinchejína asánra la ko chrókjuinchejiéhya asánra. ⁹ Ti ichrén nkehe jínahña chrókjuít'ahara nkojín chojni, la xikahya chrókjuích'era jahara. Ti chrók'uántaxihanra sin la xikahya chrók'uántaxihínra sin. Nahi. Ícha jína chrókjuanchehéra Díos kixin chrókjuincheño ch'an ti jehe sin kixin Díos k'uéyehe ti jahara kixin chrók'uayéhéra ti kjuachaxin kuènte ch'an. ¹⁰ Exi ndáchro xroon itén Díos:

Ti nkexro tjinkaon kjuaxróxin tsjak'e kaín ñao,
la chjiniééhña chrónixja sin ti nkehe jínahña
la ko ninkehó kjuach'ia chrók'uaxrjexinhña ti ir'ua sin.

¹¹ Ícha jína chrókujitohéra ti nkehe jínahña, andá chrókjuéyára ti nkehe jína,

la ko chrókjuéyára kixin kjuaxróxin chrók'uejokoára kaín chojni.

¹² Kixin Ìnchéni la t'ayakonhen ti nkexro jína

la ko tihin ch'an ti ó níxjehẹ sin ch'an,

kjánchó ti nkexro ich'e ti nkehe jínahña, la tjinkjtsahya ch'an.

¹³ ¿Xá nkexro chrókjuít'ahara nkojín nkehe jínahña, ti tjejoch'era ti nkehe jína? ¹⁴ Andá ti chrókjuasótexínra ti nkehe jína tjejoch'era, la chrókócháhara, chróchrakuęhyara ninkexró la ko chrókóxakuanhñara. ¹⁵ Ícha jína chrókjuíkosáyehéra Cristo nkaya asánra kixin jehe ch'an mé Ìnchéni. Chrók'uejora listo chrókjuátehéra ti nkehe chrókjuanchankíhara nkojín chojni nkexrín ti tinkachónkira Ìnchéni, kjánchó chrókjuinchenkehya la chrókjuátehéra jína ti ichrén nkehe chrókjuanchankí sin.

¹⁶ Chrókjuákoxinra jína kixin chrók'uíkon ti sin xrich'ia t'ántaxínhanra kixin jína tjejora tinkachónkira Cristo, ndá chrókósuéhe sin. ¹⁷ Ícha jína chrókjuasótiaxinra ti nkehe jína tjejoch'era ti xikaha tjinkaon Díos, ke ti nkojín nkehe jínahña chrókjuasótiaxinra.

¹⁸ Kixin Cristo la kjuasótexín ch'an la ik'uen ch'an kixin ti ijie kuénténi, ó nkokoxón ik'uen ch'an. Jehe ch'an la imá jína ch'an, kjánchó kjuasótéyákohe ch'an ti jeheni kjónté jínahñani, ndá xikaha jína sátsjikoni ch'an ti itjen Díos. Ik'uen ti cuerpoé ch'an, andá Nchakuen Díos mé kjuínchexechón ti jehe ch'an ínaá, ¹⁹ ndá xikaha sákjuikjakohẹ ch'an ti nchakuen ti sin tsík'en tjejóchjína.

²⁰ Ti sin a mé kuitekakohña ti ósé ti kjuák'e Noé. La Díos kjuák'echónhen ch'an ti naxa k'ónahña ti arca, mé ijníkoá chojni kuitekaon sin la ko kuaá sin ti ó kujtee sin ìnta. ²¹ Ti ìnta mé yóhe éxi ti tikiteni ijie kixin xikaha ndá tsaáni. Andá ti tikite chojni la jehya kixin tíha tsotjuáxin ti cuerpo chóna sin. Nahi. Tsjancheheni Díos kixin sinchetjóá ch'an ti tjenkayáxini ndá tsaáni kixin Ìnchéni Jesucristo la xechón ch'an, ²² la ko sákjuj ch'an nkaya nkajní la itjen ch'an ti itja chjína kuènte Díos. Jehe ch'an mé t'etuehen ch'an ti sin ángel la ko kaín ti sin t'etuan tjejó nkaya nkajní chóna kjuachaxin.

4empieza

Chrókjuich'eheni ixra Díos éxi tjinkaon ch'an

¹ Méxra éxi Cristo kjuasóte ti cuerpo kuente ch'an, la xikaha kjaxinra, kjónté chrókjuasótiara la chrókóxakuanhñara kixin ti nkexro tjasóte ti cuerpoé la ó kuitohe ti ije. ² Méxra ti naxa tjejotsjehera ntihi la chrók'uejora éxi tóxrjín Díos, jehya éxi ti nkehe tóxrjín. ³ Itsjé nánó kuék'ejora éxi ti sin naxa chónhña Díos, la kuékjenkayáxinra ti nkehe jínahña, kuékjásinra ije, kuéchontara ókjé chojnichjin, kuékjásinra kia la k'uekokoanra, la ko kuékjuájonra la ko kuékinkachónkira nkehe tsíkjanña. ⁴ Andá ije la ti sin kuék'itonra la chrakon sin kixin í ch'ehyara ti nkehe jínahña. Méxra imá t'ántaxínhanra sin. ⁵ Kjánchó jehe sin tichánxin tsochronka sin ti ije chóna sin ti ó tsochjína sin nkayakon ti nkexro sinchekitoexín ije kuenté ti chojni tjejóchón la ko chojni tsík'en. ⁶ Méxra, kjónté ti sin tsík'en la kuíhin sin ti itan nixin kixin chrókuitekaon sin chrók'uejó sin éxi tjinkaon Díos, kjónté ti naxa k'uejó sin chjasintajni la kuitoexín ti ijíee sin, kjuasóte sin la ko ik'uen sin éxi tonhen kaín chojni.

⁷ Ó kuichjína ti tsjeje chjasintajni, méxra chrók'uejora nkojína la ko chrók'uejotsjehera, chrónixjehéra Díos. ⁸ La ti nkehe antsí tjeoan la chaxín chrótjuehéra kíchuára, kixin tíha mé ts'itjáñaxín kaín ti ije chontehera kíchuára. ⁹ Chrókjuájonra kjuachaxin chrók'uejó ti sin kichoni ti ndgara la ko ninkehó chrókjóndahyara sin. ¹⁰ Nkojnora chrókjuákoxinra ti kjuachaxin tjáhara Díos la chrókjuínkĩtsara kíchuára éxi ti ixra k'uayéhéra. ¹¹ Ti nkojinra tsonixjara itén Díos la chaxín chróchronkaxinra éxi Díos chrónixjaxin ti jahara. Andá ti nkojinra tsjínkĩtsara kíchuára la chaxín chrókjuákoxinra ti kjuachaxin tjáhara Díos. Kaín ti ixra chrókjuich'era, la chróchjehéra Díos kjuasáya kixin tinkachónkira Jesucristo, ti nkexro ts'áyehé kaín kjuasáya la ko chóna ti kjuachaxin nkochrín. Mé xikaha tsohen.

Ticháxin tsjasótexini kixin tinkáchónkini Cristo

¹² Kichoni, chrókóxakuanhñara kjónté ijnko kjuaxikaon ijíe

chrókjuasótiaxinra kixin ó jehí xikaha tsohanra. ¹³ Ícha jína chrókócháhara kjónté tsjasótiaara kixin xikaha kjuasótexín Cristo ti ijiéeni. Ndá xikaha imá tsocháhara ti ó ts'ikonra ti kjuachaxin ijié tsikao Ìnchéni ti ó tsokjan ch'an. ¹⁴ Chrókócháhara kjónté t'ántaxínhanra chojni kixin tinkachónkira Cristo kixin ti kjuachaxin kuenté Nchakuen Díos la t'ayakohanra. Jehe sin la t'ántaxínhin sin Ìnchéni, andá jahara antsí chrókjuíkosáyehéra ch'an. ¹⁵ Ti nkojinra tjejtjasótera la jehya chrókjuasótexínra kixin kjuáayara, kueéra o ichrén nkehe jínahña kjuich'era o jehya kixin kjiatéra nkojín kjuanínkaon kuènte ókjé chojni. ¹⁶ Ti nkojinra chrókjuasótiaara kixin tinkachónkira Cristo la chrókósuàhyara. Ícha jína chróchjehéra kjuasáya Díos kixin tinkachónkira ihnjé ch'an. ¹⁷ Ndá ijie ó ikui ti tsítōexín ijiéeni la tíha tsoxrankíxixín ti sin k'óna xjeen Díos. Andá ti tsoxrankixinxín tsítōexín ti ijiéeni la ti sin titekakonhña Díos la, ¿xá nkexrín ts'átsínka sin? ¹⁸ Andá ti sin jína tsítōexín ijié sin kixin á jína ti xra kjuích'e sin ndá tsaá sin, la ti sin jínahña chóna ijié la, ¿xá nkexrín ts'átsínka ti sin titekakonhña? ¹⁹ Andá ti nkexro tjasóte éxi tjinkaon Díos la chrókuítōehya sin chrókjuakoxin sin ti nkehe jína la chrókjuajon sin asén sin chrók'uayakonhen Díos kixin jehe ch'an kjuich'éna ch'an ti jehe sin la nkochríxín jína ch'an.

5

Ti sin t'etōan kuènte n̄nko

¹ Tjínkavan tsonixjahā ti sin t'etōan ti n̄nko tjejora, kjaxin janhan tētoan n̄nko éxi jehe sin, la k'uíkōnxinkuān nkexrín kjuasóte Cristo, la ko kjaxin ts'ayáhā ti kjuachaxin kuènte Díos éxi ts'áyéhe íso sin ti ó itsi Ìnchéni. ² Chrók'uayakohénra jína ti kolélo kuènte Díos kixin tíha ti ixra k'uayéhéra. La nkojína chrókjuínkītsara sin éxi tjinkaon Díos la jehya kixin ijnko chojni chrók'uētūghanra chrókjuich'era ti ixra, la ko jehya imá chrókóxríhanra chrókjuáchara chichaon. Nahi. Kaín asánra chrókjuich'era ti ixra jína. ³ Chjiniéhña chrók'uétūghénra sin, t'ayakonhénra sin jína kixin jehya kuèntara ti jehe sin. Méxra chrókóxakohanra

chrókjuákohéra sin nkojína. ⁴ Ndá xikaha ti ó itsi ti Pastor chaxin t'etōan, ndá jahara ts'ayéhéra ijnko corona náxrjón tjechónhen nkaya nkajní, mé ijnko corona tsjejehya.

⁵ Andá jahara ntasoára chrókjuinchexiteyéhéra ti sin t'etōan kuènte njnko la ko kaínra nkojína chrókjuinchexiteyéhéra kíchuára la chrókjuinchehnkehyara kixin:

Díos la tjinkakonhña ti chojni nchehnke,
andá ti sin nchenkehya mé tsjinkitsa ch'an.

⁶ Méxrā chrókjuinchehnkehyara, chrókjuinchentsí asánra, la chrókjuinchexiteyéhéra Díos kixin jehe ch'an la chóna ch'an kjuachaxin ijíé, la ti ó tsokjan ch'an la tsotjahára ch'an kjuachaxin.

⁷ Chróchenkara Díos kaín ti kjuaxikaon chontara kixin jehe ch'an la imá t'ayakonhen ch'an ti jahara.

⁸ Méxrā chrókóxakohanra jína chrók'uejora kixin ti Jinahña, ti nkexro nínkakohanra, mé éxi ijnko koxrā xikaha xritjeyá nkexro sinie. ⁹ Jina chrók'uejora, chrókuinkachónkira Ìnchéni. Tjájonhñara kjuachaxin ti jínahña chrókjuacha chrók'uetuahanra, la ó nohara kixin kuenté chjasintajni la kaín ti sin kíchuára tjejótjasóte sin kixin tinkáchónki sin Ìnchéni. ¹⁰ Andá ti ó tsjixin tsjasotiára, kjónté kánhño isé, la Díos sinchetjóá ti jahara la ko antsí tsjinkitsa ch'an kixin tsjachara ts'ejora jína. Méxrā Díos la tjuahara la k'uéyahara ch'an kixin ts'ejokoara ch'an nkokōa ti itjen Ìnchéni Jesucristo chóna kaín kjuachaxin. ¹¹ Méxrā tsochjéheni ch'an kjuasáya kixin jehe ch'an chóna ch'an kjuachaxin ts'etōan ch'an nkochríxín. Mé xikaha tsohen.

Kjuixixín nixja Pedro

¹² Ch'in Silvano t'íkuān ijnko kíchoni jína mé kjuinkitsa ch'an ikjian ti xroon í, kjónté kánhño itsjé nixja ti xroon, la ntaxraxinkáonra kixin kjuintañaonra Díos la xikaha kjuakoxin ch'an kixin chaxín tjuahara ch'an. Méxrā jína chrók'uejora.

¹³ Ti njnko itjen Babilonia mé Díos kjueyá ch'an ti jehe sin éxi kjueyá ch'an ti jahara, mé nixjahara sin la ko kjaxin nixjahara ch'in Marcos, ti nkexro t'íkuān éxi xjana.

¹⁴ Níxjéhéra kíchuára nkojína. La kjuaxróxin chrók'uejora kixin

tinkachónkira Jesucristo. Mé xikaha tsghen.